



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08, 5/22 i 39/25), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU POLITIČKE ORGANIZACIJE ZELENI POKRET

Broj: 03-07-6-580/23
Sarajevo, 03.12.2025. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE	9

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Političke organizacije ZELENI POKRET za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2022. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je Politička organizacija ZELENI POKRET prekršila odredbe člana 4. stav (1), člana 5. stav (4), člana 8. stav (1), člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Političke organizacije ZELEN POKRET za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2022. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2022. godinu, Politička organizacija ZELEN POKRET se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	30,00	9,09
2.	Prilozi fizičkih lica (3-a)	300,00	90,91
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	330,00	100,00
II	Ostali prihodi i drugo	0,00	0,00
	Izvori finansiranja (I+II)	330,00	100,00

U godišnjem finansijskom izvještaju za 2022. godinu Politička organizacija ZELEN POKRET je iskazala rashode u ukupnom iznosu od 19.078,46 KM.

2. PREDSTAVLJANJE POLITIČKE STRANKE

Naziv političke stranke je Politička organizacija ZELEN POKRET. Skraćeni naziv stranke je ZP.

Politička organizacija ZELEN POKRET je registrovana kod Općinskog suda u Sarajevu Rješenjem broj: 065-0-F1-22-000 0071 od 11.02.2022. godine.

Sjedište političke stranke je u Sarajevu, Hadži-Idrizova 5.

Lice ovlašteno za zastupanje stranke je Nihad Čolpa, predsjednik stranke.

Lice ovlašteno za podnošenje finansijskih izvještaja za 2022. godinu je Nihad Čolpa.

Prema podacima iz godišnjeg finansijskog izvještaja za 2022. godinu, Politička organizacija ZELEN POKRET ima sljedeću organizacionu strukturu:

- Centrala i
- odbor u Kantonu Sarajevo.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Političke organizacije ZELEN POKRET za 2022. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2022. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je troškove izborne kampanje ostvarila u okviru zakonom utvrđenog limita.

Obim pregleda i kontrole finansijskog izvještaja Političke organizacije ZELENi POKRET obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja Političke organizacije ZELENi POKRET obavlja se prvi put.

5. NALAZI I PREPORUKE

5.1 NALAZI

a) Politička organizacija ZELENi POKRET nije postupila u skladu sa odredbama člana 4. stav (1) Zakona o finansiranju političkih stranaka¹.

Politička organizacija ZELENi POKRET je u godišnjem finansijskom izvještaju za 2022. godinu, iskazala rashode u ukupnom iznosu od 19.078,46 KM.

Prema službenim evidencijama, Politička organizacija ZELENi POKRET nije dostavila Program utroška sredstava za 2022. godinu.

S obzirom da politička stranka nije dostavila program utroška sredstava za 2022. godinu, smatramo da je finansijska sredstva u iznosu od 19.078,46 KM utrošila bez programa utroška sredstava, čime je prekršila odredbe člana 4. stav (1) Zakona o finansiranju političkih stranaka.

b) Politička organizacija ZELENi POKRET prekršila je odredbe člana 5. stav (4) Zakona o finansiranju političkih stranaka.

Politička organizacija ZELENi POKRET u poslovnim knjigama nije evidentirala i u godišnjem finansijskom izvještaju nije iskazala nenovčanu donaciju po osnovu korištenja dvorane, opreme i usluga tehničkog i pomoćnog osoblja za održavanje predizbornog skupa tokom kampanje po povoljnijim uslovima, čime je prekršila odredbu člana 5. stav (4) Zakona o finansiranju političkih stranaka.

Dobavljač „Proevent“ d.o.o. Sarajevo je za uslugu zakupa glavne dvorane Centra za mlade Grbavica zajedno sa binom i tehničkom opremom za održavanje predizbornog skupa dana 26.09.2022. godine izdao fakturu br. 234-09-2022 od 27.09.2022. godine u iznosu od 1.848,60 KM. Uvidom u fakturu dobavljača utvrđeno je da je dobavljač političkoj stranci odobrio rabat od 60,00%, odnosno 1.580,00 KM.

Na osnovu navedenog, utvrđeno je da je politička stranka ostvarila nenovčanu donaciju pravnog lica „Proevent“ d.o.o. Sarajevo u iznosu od 1.580,00 KM, koju je trebala evidentirati u poslovnim knjigama, te prijaviti u finansijskom izvještaju.

¹ Finansijska sredstva iz člana 3. stav (1) Zakona o finansiranju političkih stranaka, politička stranka može koristiti isključivo za ostvarivanje ciljeva utvrđenim svojim programom i statutom.

c) Politička organizacija ZELENi POKRET prekršila je odredbe člana 8. stav (1), člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja, utvrđeno je da Politička organizacija ZELENi POKRET nije vodila poslovne knjige u skladu sa računovodstvenim propisima, nije vodila pravilne i potpune evidencije o svojim novčanim sredstvima, prihodima i rashodima, godišnji finansijski izvještaj nije podnijela u zakonom propisanom roku i na način utvrđen Pravilnikom o godišnjim finansijskim izvještajima političkih stranaka (u daljem tekstu: Pravilnik), i nije dostavila dodatnu dokumentaciju, čime je prekršila odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

- (1) Politička organizacija ZELENi POKRET je godišnji finansijski izvještaj podnijela nakon zakonom propisanog roka, čime je prekršila odredbe člana 12. stav (4) Zakona o finansiranju političkih stranaka.

Uvidom u službene evidencije, utvrđeno je da je Politička organizacija ZELENi POKRET godišnji finansijski izvještaj za 2022. godinu podnijela u elektronskoj formi, putem aplikacije FI CIK BiH dana 19.04.2023. godine.

Politička organizacija ZELENi POKRET je godišnji finansijski izvještaj za 2022. godinu u čvrstoj kopiji Centralnoj izbornoj komisiji Bosne i Hercegovine dostavila dana 24.04.2023. godine. Uvidom u godišnji finansijski izvještaj za 2022. godinu utvrđeno je da stranka nije dostavila obrazac 1 (opšti podaci) godišnjeg finansijskog izvještaja za 2022. godinu u čvrstoj kopiji.

Politička stranka je bila obavezna da do 31.03.2023. godine podnese godišnji finansijski izvještaj za 2022. godinu u elektronskoj formi putem aplikacije FI CIK BiH i Centralnoj izbornoj komisiji BiH dostavi odštampane obrasce finansijskog izvještaja, ovjerene potpisom ovlaštenog lica i pečatom političke stranke, skupa sa potvrdom o podnesenom godišnjem finansijskom izvještaju.

- (2) Politička organizacija ZELENi POKRET nije u godišnjem finansijskom izvještaju prijavila sve transakcijske račune i nije pravilno iskazala promet po transakcijskim računima, čime je prekršila odredbe člana 11. Pravilnika.

- Uvidom u Izvještaj Centralne banke Bosne i Hercegovine o računima poslovnog subjekta, utvrđeno je da je politička stranka, imala aktivan transakcijski račun broj: 1401091130000947 kod ASA Banka Naša i snažna dd Sarajevo i transakcijski račun broj: 1340011130077527 kod Asa Banke d.d. Sarajevo, koje nije prijavila u godišnjem finansijskom izvještaju.

Uvidom u izводе sa transakcijskog računa broj: 1401091130000947 kod ASA Banka Naša i snažna dd Sarajevo utvrđeno je da na računu na dan 01.01.2022. godine nije bilo sredstava, te da je promet ulaza iznosio je 51.950,00, promet izlaza 51.950,00 KM i da je saldo na dan 31.12.2022. godine iznosio 0,00 KM.

Stranka nije dostavila izводе sa transakcijskog računa broj: 1340011130077527 kod Asa Banke d.d. Sarajevo.

- Politička stranka je u obrascu 2 godišnjeg finansijskog izvještaja iskazala transakcijski račun broj: 1610000280510043 kod Raiffeisen banke bez početnog stanja, te ukupnim prometom ulaza u iznosu od 60.030,00 KM, prometom izlaza u iznosu od 60.029,92 KM i saldonom na dan 31.12.2022. godine u iznosu od 0,08 KM.

Uvidom u izводе sa transakcijskog računa broj: 1610000280510043, utvrđeno je da na računu na dan 01.01.2022. godine nije bilo sredstava, te da je promet ulaza iznosio 8.080,00, promet izlaza 8.079,92 KM i da je saldo na dan 31.12.2022. godine iznosio 0,08 KM.

- (3) Politička organizacija ZELENi POKRET nije u godišnjem finansijskom izvještaju iskazala promet blagajne, čime je prekršila odredbe člana 12. Pravilnika.

Politička stranka je u godišnjem finansijskom izvještaju iskazala članarinu u iznosu od 30,00 KM. Uvidom u izvod sa transakcijskog računa utvrđeno je da je dana 09.11.2022. godine na račun

političke stranke fizičko lice izvršilo polog pazara u iznosu od 30,00 KM. Stranka nije u godišnjem finansijskom izvještaju iskazala i u poslovnim knjigama nije evidentirala promet i stanje blagajne.

S obzirom da nije poznat identitet lica od kojeg je politička stranka primila sredstva u iznosu od 30,00 KM, politička stranka je primila anonimnu donaciju u iznosu od 30,00 KM, čime je prekršila odredbe člana 8. stav (1) Zakona o finansiranju političkih stranaka.

(4) U poslovnim knjigama i obrascima 3 (izvori finansiranja) i 3-e (nenovčane donacije i računi koje stranka nije imala obavezu platiti) godišnjeg finansijskog izvještaja politička stranka nije iskazala nenovčanu donaciju pravnog lica „Proevent“ d.o.o. Sarajevo, koju je ostvarila korištenjem prostora i opreme za održavanje predizbornog skupa po povoljnijim uslovima, čime je prekršila odredbe člana 13. i 18. Pravilnika.

(5) Politička organizacija ZELENi POKRET nije u poslovnim knjigama evidentirala i u finansijskom izvještaju nije iskazala tačne i potpune podatke o svojim rashodima, čime je prekršila odredbe člana 11. stav (1) i člana 12. stav (4) Zakona o finansiranju političkih stranaka i odredbe člana 21. i 22. Pravilnika.

- Politička stranka je u poslovnim knjigama i godišnjem finansijskom izvještaju iskazala troškove električne energije u iznosu od 146,41 KM.

Politička stranka je u poslovnim knjigama evidentirala troškove električne energije za maj, jun, avgust, septembar i oktobar 2022. godine u ukupnom iznosu od 75,98 KM. Troškove električne energije u iznosu od 70,43 KM politička stranka je u poslovnim knjigama evidentirala i u godišnjem finansijskom izvještaju iskazala bez knjigovodstvene dokumentacije.

- Politička organizacija ZELENi POKRET je u godišnjem finansijskom izvještaju troškove komunalnih usluga iskazala u iznosu od 50,68 KM.

Uvidom u poslovne knjige utvrđeno je da je politička stranka troškove komunalnih usluga-vode evidentirala za april, maj, juni i septembar u ukupnom iznosu od 18,72 KM. Troškove komunalnih usluga u iznosu od 31,96 KM politička stranka je u poslovnim knjigama evidentirala i u godišnjem finansijskom izvještaju iskazala bez knjigovodstvene dokumentacije.

- Kontrolom poslovnih evidencija, te uvidom u ugovore o zakupu poslovnih prostora, utvrđeno je da politička stranka nije evidentirala sve troškove zakupa poslovnih prostora.

1. Politička stranka je u godišnjem finansijskom izvještaju iskazala troškove zakupnine poslovnog prostora u manjem iznosu u odnosu na ostvarene za 1.900,00 KM.

Politička organizacija ZELENi POKRET je, dana 04.03.2022. godine, sa fizičkim licem H.K. sklopila Ugovor o zakupu poslovnih prostorija u Sarajevu na period od jedne godine, a prema kojem mjesečna zakupnina iznosi 550,00 KM, odnosno 5.500,00 KM za 2022. godinu. Ugovorom je definisano da je politička stranka dužna plaćati naknadu za troškove električne energije, telefona, čišćenja prostorija, vode i smeća.

Politička stranka je u godišnjem finansijskom izvještaju iskazala troškove zakupa poslovnog prostora u iznosu od 3.600,00 KM.

2. Politička stranka je, dana 03.01.2022. godine, sa fizičkim licem M.L. sklopila Ugovor o zakupu poslovnih prostorija u Sarajevu na period od jedne godine, a prema kojem mjesečna zakupnina iznosi 10,00 KM, odnosno 120,00 KM za 2022. godinu. Ugovorom je definisano da je politička stranka dužna plaćati naknadu za troškove električne energije, telefona, čišćenja prostorija, vode i smeća.

Politička stranka nije u godišnjem finansijskom izvještaju iskazala troškove zakupa poslovnog prostora po ovom ugovoru.

- (6) Politička organizacija ZELENI POKRET nije u poslovnim knjigama i godišnjem finansijskom izvještaju iskazala tačne i potpune podatke o troškovima izborne kampanje, čime je prekršila odredbe člana 21, 22. i 23. Pravilnika.

U obrascu 4.2 (troškovi propagande) godišnjeg finansijskog izvještaja politička stranka je iskazala troškove propagande u ukupnom iznosu od 9.430,05 KM

- Politička stranka je u poslovnim knjigama i godišnjem finansijskom izvještaju troškove usluga zakupa glavne dvorane Centra za mlade Grbavica iskazala u iznosu manjem za 1.580,00 KM od ostvarenih. Kao što je u navedeno u nalazu pod b), dobavljač „Proevent“ d.o.o. Sarajevo je za zakup glavne dvorane političkoj stranci odobrio rabat od 30%, odnosno ukupno 1.580,00 KM bez PDV-a.
- Politička stranka je u godišnjem finansijskom izvještaju u obrascu 4.1 iskazala troškove ugovora o djelu u iznosu od 533,68 KM.

Uvidom u dostavljenu dokumentaciju, utvrđeno je da je politička stranka zaključila Ugovor o djelu sa fizičkim licem Š.K. za obavljanje poslova snimanja video priloga aktivnosti kandidata u Kantonu Sarajevo u iznosu od 450,00 KM sa pripadajućim porezima i doprinosima. Politička stranka je troškove ugovora o djelu u iznosu od 533,68 KM trebala iskazati u obrascu 4.2. godišnjeg finansijskog izvještaja.

- (7) Pregledom finansijske dokumentacije političke stranke, utvrđeni su nedostaci kod računa dobavljača, koji su knjigovodstvene isprave o nastalim poslovnim događajima².

Politička organizacija ZELENI POKRET je iskazala troškove kampanje po predračunu dobavljača Obrt „Grafika“ Bihać broj: 0053/22 od 20.09.2022. godine u iznosu od 491,40 KM za upaljače sa uv štampom u količini od 700,00 komada i predračunu dobavljača Margo d.o.o. Istočna Ilidža broj: 219/22 od 01.08.2022. godine u iznosu od 280,80 KM za štampu i konstrukciju 85x200 cm u količini od 2 komada. Navedeni predračuni nisu potpisani i ovjereni od strane dobavljača.

Predračun nije knjigovodstvena isprava koja dokazuje da je usluga izvršena, te ne može biti dokument na osnovu kojeg se vrši knjiženje u poslovnim knjigama.

- (8) Dana 08.02.2024. godine Centralna izborna komisija Bosne i Hercegovine je Političkoj organizaciji ZELENI POKRET uputila Zahtjev za dostavljanje dodatne dokumentacije za 2022. godinu, kojim je tražena dostava završnog računa za 2022. godinu (bilans stanja i bilans uspjeha), akta kojim je propisana članarina, dokumentacije o korištenju poslovnog prostora u 2022. godini, bruto bilans na dan 31.12.2022. godine, glavne knjige sa analitičkim evidencijama stranke za period 01.01.-31.12.2022. godine, kopije izvoda sa transakcijskih računa stranke broj: 1610000280510043 kod Raiffeisen banke d.d. Sarajevo, broj: 1340011130077527 kod Asa banke d.d. Sarajevo i broj: 1401091130000947 kod Asa banke Naša i snažna dd Sarajevo za period 01.01.-31.12.2022. godine, kopije potvrde o primljenom prilogu od fizičkog lica, kopije računa i druge dokumentacije na osnovu koje su evidentirani troškovi električne energije i troškovi komunalnih usluga, kopije ugovora o djelu iskazanom na obrascu 4.1 godišnjeg finansijskog izvještaja, kopije dokumentacije za troškove kampanje iskazane na obrascu 4.2 godišnjeg finansijskog izvještaja, kopije ugovora o primljenim pozajmicama i izvoda otvorenih stavki za dobavljača „Proevent“ d.o.o.

Politička organizacija ZELENI POKRET u ostavljenom roku nije dostavila traženu dokumentaciju, te je Centralna izborna komisija BiH dana 16.07.2024. godine Urgencijom za dostavljanje dodatne dokumentacije za 2022. godinu ponovo zatražila dostavljanje navedene dokumentacije.

² U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

U ostavljenom roku, politička stranka nije dostavila kopiju izvoda sa transakcijskog računa broj: 1340011130077527 kod Asa Banke d.d. Sarajevo, čime je prekršila odredbe člana 12. stav (5) Zakona o finansiranju političkih stranaka.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH politička stranka je u svrhu izborne kampanje mogla da potroši sredstva u iznosu od 350.424,45 KM.

Pored iskazanih troškova izborne kampanje u iznosu od 9.430,05 KM, u toku obavljanja pregleda utvrđeno je da je Politička organizacija ZELENi POKRET ostvarila i troškove izborne kampanje u iznosu od 2.113,68 KM.

Naime, politička stranka je troškove izborne kampanje u iznosu od 533,68 KM umjesto u obrascu 4.2, iskazala u obrascu 4.1 godišnjeg finansijskog izvještaja, dok troškove izborne kampanje u iznosu od 1.580,00 KM politička stranka uopšte nije iskazala u godišnjem finansijskom izvještaju.

5.2 PREPORUKE

Preporučuje se Političkoj organizaciji ZELENi POKRET da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da svake godine donosi program utroška sredstava i da isti dostavlja Centralnoj izornoj komisiji Bosne i Hercegovine, te da finansijska sredstva troši u skladu sa programom utroška sredstava,*
- *da uspostavi evidencije o nenovčanim donacijama,*
- *da se ne finansira iz zabranjenih izvora,*
- *da poslovne knjige vodi u skladu sa računovodstvenim propisima, odnosno da uspostavi potpune i tačne evidencije o novčanim tokovima, prihodima i rashodima,*
- *da finansijske izvještaje koje podnosi Centralnoj izornoj komisiji Bosne i Hercegovine podnosi u zakonom propisanim rokom i na način utvrđen Pravilnikom o godišnjim finansijskim izvještajima političkih stranaka i*
- *da dostavlja dodatnu dokumentaciju koju zatraži Centralna izborna komisija Bosne i Hercegovine.*

KOMENTAR:

U ostavljenom roku, Politička organizacija ZELENi POKRET nije dostavila primjedbe na mišljenje revizora i nalaze revizije date u Preliminarnom izvještaju o pregledu godišnjeg finansijskog izvještaja za 2022. godinu.

Šef Odsjeka za revizijske poslove

Sanja Tošović

Revizor

Tanja Golijanin

³ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.